

է նոցա . եւ զգուշացուցին թէ Մի՛ երկնչիւր յորժամ մեծանայ մարդ , եւ Մի՛ նախանձիք ընդ նոսա թէ ոչ գոյ վրէպ մահու նոցա , զի ի վաստակ չեն մարդկան եւ առ ապայն ըստ մարդկան ոչ տանջին : Ի սոյն կշիռ նկատեմք եւ ապշիմք ի գործս Տեառն , զի Անքննելիք են դատաստանք նորա , որպէս եւ քարոզողք ի ջանս քննութեան մեղկացան՝ զթեցան եւ ոչ փրկեցան ի դատաստանէ ստեղծողին՝ ասելով . Ես որդն եմ եւ ոչ եմ մարդ , եւ Որպէս զանասուն համարեցայ առաջիք . Զմոխիր որպէս զհաց կերի եւ զբմպելին իմ . . . Յերեսաց բարկութեան սրամտութեան քո , զի դու բարձրացուցեր եւ խոնարհեցուցեր զիս : Դառնայ զհակասական մակբերելով յանդիման մետառանից իւրոց իբրու կագելով ընդ նմա . Միթէ ի սպառ արգելցէ՞ զողորմութիւն քո յինէն . միթէ ի զո՞ւր ինչ ստեղծեք զմեզ : Եւ խառնէ ընդ յուսոյն զմեղկութիւն տկարութիւն բնութեանս թէ Ո՞վ զիտաց զմիտս Տեառն եւ ո՞վ եղեւ նմա խորհրդակից . Որպէս զի՛ մեծ են զործք քո Տէր եւ յոյժ խոր են խորհուրդք քո : Եւ առ սոյն նպատակն զթութեան հայի ասելովն , զինքն կշտամբելով ըստ արդարութեան նորա . Զմեզս տեսանէի ի սրտի իմում , միթէ լուիցէ եւ յիսփոփան նորա դարձեալ զբօսնութենէ : Ըստ բազում ցաւոց սրտ . Որպէս զթայ հայր . զի՛ Ըստ անօրէնութեան մերում ոչ առնէ , եւ զի՛ Արդար եւ ճշմարիտ է Տէր , եւայլն :

Եւ զայսոսիկ մեծարգոյական վարդապետութեանդ յուշ առնելոյ , պատճառ առնելոյ , ի բազում սրտից խորհուրդ ակն յանդիման նրբանկատ յուսուցչացդ մանրամասնաբար ուսայ , վասն զի ի դրուն[s] սիրոյ ձեր տարբերեալ դեզերէի դերեւեալս իմաստից եւ ֆէլէքքզէտէ թշուառացեալս . ի ծերութեան տառապեալ եւս ըստ Յորայ կողկողելով , ի ձայնէ հեծութեան իմոյ ձանձրացեալս եւեթ մշտապէս թէ կարօտիմ գերեզ-